



Na osnovu člana 9. Pravilnika o radu Javnog preduzeća Elektroprivreda BiH d.d.-Sarajevo (prečišćeni tekst), broj: U-01-15259/21-98/24 od 18.05.2021. godine, a u skladu sa Odlukama o potrebi zapošljavanja novog radnika na neodređeno vrijeme u Podružnici Termoelektrana "Kakanj" Kakanj, zbog neplaniranih okolnosti, broj: 01-02-29451/21, 01-02-29452/21, 01-02-29453/21 i 01-02-29454/21 od 17.09.2021. godine, Podružnica Termoelektrana "Kakanj", Kakanj, r a s p i s u j e

O G L A S

za prijem radnika u radni odnos na neodređeno vrijeme uz obavezan probni rad u trajanju od 3 mjeseca

Oglašava se potreba za prijem radnika u radni odnos na neodređeno vrijeme uz obavezan probni rad u trajanju od 3 mjeseca na sljedeća radna mjesta:

1. Rukovalac VDU..... 1 izvršilac

Pored općih uslova utvrđenih Zakonom, kandidati treba da ispunjavaju i posebne uslove navedenog radnog mjesta utvrđene Sistematizacijom radnih mjesta i to:

- da posjeduju srednju stručnu spremu, IV-SS, mašinski tehničar/elektrotehničar,
- da imaju najmanje 1/2 godine radnog iskustva u struci nakon sticanja tražene stručne spreme.

Kratak opis poslova:

Rukuje i kontroliše rad sistema VDU od kiper stanice do PČ-8 preko upravljačkog pulta strogo poštujući pogonske propise za pojedina postrojenja, tokom smjene dogovara sa Vođom smjene transporta uglja način rada, upoznaje radnike na sistemu VDU sa planom i prema trenutnim potrebama vrši odlaganje, propuštanje ili uzimanje uglja sa depoa, ...

2. Rukovalac KRB..... 1 izvršilac

Pored općih uslova utvrđenih Zakonom, kandidati treba da ispunjavaju i posebne uslove navedenog radnog mjesta utvrđene Sistematizacijom radnih mjesta i to:

- da posjeduju srednju stručnu spremu, III-KV, bravar/električar,
- da imaju najmanje 1/2 godine radnog iskustva u struci nakon sticanja tražene stručne spreme.

Kratak opis poslova:

Rukuje i kontroliše rad kombinovanog uređaja pri operacijama odlaganja, uzimanja ili propuštanja uglja. a prema pogonskim uputstvima i uputama Vođe smjene ili Rukovaoca VDU, odgovoran je za čistoću KRB kao i tračnica za pomijeranje KRB, učestvuje u održavanju, intervencijama i remontu KRB, dužan je da se pridržava tehničkih propisa i uputstava o uskladištenju i manipulisanju sa ugljem...

3. Manipulant otpreme pepela..... 1 izvršilac

Pored općih uslova utvrđenih Zakonom, kandidati treba da ispunjavaju i posebne uslove navedenog radnog mjesta utvrđene Sistematizacijom radnih mjesta i to:

- da posjeduju srednju stručnu spremu, III-KV, bravar,

- da imaju najmanje 1/2 godine radnog iskustva u struci nakon sticanja tražene stručne spreme.

Kratak opis poslova:

Vrši upravljanje postrojenjem za unutrašnji transport pepela, poduzima mjere da se eksploatacija vrši u skladu sa pogonskim uputstvima i odredbama, tehničkim pravilima i uputstvima za rad Termoelektrane kao i uputstvima ovlaštenih lica, održava čistoću postrojenja i prostora oko njih, kod vanrednog stanja učestvuje u čišćenju ogrijevnih površina kotla i otvora za isticanje šljake kotla u pogonu, vodi izvještaje o radu postrojenja i o stanju pepela u sabirnicima pepela, ...

4. Pomoćnik na postrojenjima dekarbonizacije i TOV-a..... 1 izvršilac

Pored općih uslova utvrđenih Zakonom, kandidati treba da ispunjavaju i posebne uslove navedenog radnog mjesta utvrđene Sistematizacijom radnih mjesta i to:

- da posjeduju srednju stručnu spremu, IV-SS, hemijski tehničar,
- da imaju najmanje 1/2 godine radnog iskustva u struci nakon sticanja tražene stručne spreme.

Kratak opis poslova:

Izvršava poslove redovnog i vanrednog uzorkovanja svih plinova i voda koje se uzorkuju u TE i poslove izrade hemijskih analiza uzetih uzoraka na postrojenjima radne jedinice (dekarbonizacije, tretmana otpadnih voda i muljeva, postrojenje pitke i omekšane vode i proizvodnje vodika) i drugim postrojenjima TE, povremeno i djelimično učestvuje u poslovima vođenja pogona dekarbonizacije, tretmana otpadnih voda, i izvođenja regeneracije pješčanih filtera, ...

KANDIDATI SU OBAVEZNI DOSTAVITI SLJEDEĆU DOKUMENTACIJU

1. Pismenu prijavu (svojeručno potpisanu) na Oglas sa kraćom biografijom, s tim da se u prijavi mora posebno navesti:

- naziv radnog mjesta (iz ovog oglasa) na koje se kandidat prijavljuje
- adresa stanovanja, broj telefona i e-mail adresa podnosioca prijave (ukoliko istu posjeduje) putem kojih se može stupiti u kontakt sa kandidatom.

2. Dokumentaciju kojom dokazuju ispunjavanje posebnih uslova radnog mjesta na koje se prijavljuju i to:

- a) Dokaz o stečenoj stručnoj spremi koja se traži oglasom
 - za radna mjesta pod rednim brojem 1. i 4.
 - Diploma/Svjedočanstvo o stečenoj srednjoj stručnoj spremi koja se traži oglasom i svjedočanstva od prvog do četvrtog razreda.
 - za radna mjesta pod rednim brojem 2. i 3.
 - Diploma/Svjedočanstvo o stečenoj srednjoj stručnoj spremi koja se traži oglasom i svjedočanstva od prvog do trećeg razreda.
- b) Dokaz o radnom iskustvu u struci nakon sticanja tražene stručne spreme - za sva radna mjesta.
Pod radnim iskustvom podrazumijeva se iskustvo stečeno u radnom odnosu na neodređeno i određeno vrijeme, kao i iskustvo stečeno obavljanjem pripravničkog staža i stručnog osposobljavanja bez zasnivanja radnog odnosa. Kao dokaz o radnom iskustvu u struci nakon sticanja tražene stručne spreme, prihvaćće se isključivo:

- potvrda/uvjerenje izdato od strane poslodavca ili poslodavaca kod kojih je radno iskustvo stečeno, u čijem sadržaju treba da bude obavezno navedeno sljedeće:
 - naziv radnog mjesta na kojem je kandidat obavljao poslove u struci,
 - stručna sprema (stepen i stručno zvanje/zanimanje) koja se traži za radno mjesto na kojem je kandidat stekao radno iskustvo,
 - opis poslova koje je kandidat radio,
 - jasno preciziran period radnog angažovanja na poslovima radnog mjesta (od-do).

Potvrda/uvjerenje poslodavca ili poslodavaca kod kojih je kandidat radio ili radi, moraju biti precizna i detaljna, tako da se na osnovu ovih dokumenata može jasno utvrditi na kojim poslovima je kandidat radio, sa kojom stručnom spremom, te koliko vremenski dugo, odnosno, da se može jasno utvrditi da posjeduje traženo radno iskustvo.

3. Kandidati koji su ranije obavili pripravnički staž u Društvu ili su ranije radili u Društvu po osnovu ugovora o radu na određeno vrijeme u struci koja se traži za radno mjesto, dužni su dostaviti dokaz o toj činjenici - kao dokaz može poslužiti potvrda o obavljenom pripravničkom stažu ili potvrda o radnom iskustvu.

4. Izvod iz matične knjige rođenih.

5. Uvjerenje o državljanstvu - ne starije od šest mjeseci od dana izdavanja od strane nadležnog organa.

Kandidati koji imaju status branioca ili člana porodice branioca, treba da dostave dokaz o ovom statusu (izdat od strane nadležnog organa), u skladu sa propisima kojima se reguliše oblast boračko-invalidske zaštite.

Kandidati koji su nezaposleni, dužni su dostaviti potvrdu o navedenoj činjenici izdatu od strane nadležne Službe za zapošljavanje - ne stariju od 30 dana.

Kandidati koji se prijavljuju na više radnih mjesta, podnose prijavu za svako radno mjesto pojedinačno i uz svaku prijavu dostavljaju traženu dokumentaciju.

Ispunjavanje uslova utvrđenih ovim Oglasom računa se danom predaje prijave.

Svi traženi dokumenti koji služe kao dokaz o ispunjavanju uslova, dostavljaju se u originalu ili kao kopija ovjerena od strane nadležnog organa, te isti treba da budu na jednom od službenih jezika u BiH.

Dokumentacija na stranom jeziku mora biti prevedena od strane ovlaštenog prevodioca na jedan od službenih jezika u BiH, te zajedno sa ovjerenim prevodom dokumentacije, dostavljena uz prijavu na javni oglas.

Ukoliko se dokumentacija dostavi u ovjereoju kopiji, može se od kandidata zahtijevati uvid u originalne dokumente.

Dokumentacija dostavljena bez svojeručno potpisane prijave na Oglas i bez jasne naznake naziva radnog mjesta na koje se kandidat prijavljuje, neće biti predmet provedbe procedure prijema u radni odnos.

Neblagovremene, neuredne i nepotpune prijave, te prijave koje su kandidati pismeno povukli, kao i prijave uz koje su priložene neovjerene kopije dokumenata, neće se uzeti u razmatranje.

Podružnica Termoelektrana „Kakanj” Kakanj će lične podatke kandidata dostavljene u prijavi i prijavnoj dokumentaciji obrađivati u svrhu provođenja postupka prijema novog radnika.

Postupak izbora kandidata zasniva se na održanom o usmenom ispitu. Kandidati koji budu ispunjavali uslove ovog oglasa za navedeno radno mjesto, odnosno, kandidati koji dostave blagovremenu, urednu i potpunu prijavu, biti će pozvani na usmeni ispit.

Kandidati koji ne pristupe usmenom ispitu gube pravo učešća u daljoj oglasnoj proceduri, odnosno, smatra se da odustaju od podnesene prijave.

O mjestu i vremenu održavanja usmenog ispita kandidati će biti blagovremeno obaviješteni.

Kandidat koji bude izabran, prije zaključivanja Ugovora o radu, biti će upućen na ljekarski pregled kod nadležne zdravstvene ustanove, radi utvrđivanja zdravstvenog stanja i radne sposobnosti za obavljanje poslova radnog mjesta na koje je izabran.

Svi prijavljeni kandidati će pismenim putem biti obaviješteni o rezultatima raspisanog Oglasa, a dokumenti priloženi uz oglas neće se vraćati.

Ovaj oglas nema mogućnosti za online prijavu.

Oglas ostaje otvoren 8 (osam) dana od dana objavljivanja u dnevnim novinama.

Prijave na Oglas sa potrebnom dokumentacijom dostaviti u zatvorenoj koverti putem pošte, sa naznakom "**Prijava na Oglas za radno mjesto pod rednim brojem: _____**", (navesti naziv radnog mjesta) - ne otvarati", na adresu:

**JP Elektroprivreda BiH d.d.–Sarajevo,
Podružnica Termoelektrana "Kakanj", Kakanj, 72240 Kakanj**

Na koverti obavezno navesti ime, prezime i adresu stanovanja kandidata.